



**Quæstionum Canonicarum, In Quinque Libros  
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur  
De Judiciis, Foro Competenti, Libelli Oblatione, Mutuis petitionibus, ...

**Krimer, Ferdinand**

**Augustæ Vindelicorum, 1708**

§. II. An, & qualiter Executor sententiæ possit admittere, ac cognoscere de  
exceptionibus contra sententiam, vel executionem.

---

[urn:nbn:de:hbz:466:1-73001](#)

## §. II.

An, & qualiter Executor sententia pos-  
sit admittere, ac cognoscere de exceptioni-  
bus contra sententiam, vel exe-  
cutionem.

2653.

**E**xecutor alius est, qui præcisè datur ad exequendum; alius, qui etiam habet aliquam cognitionem; hinc Executor alius est *merus*; alius, *mixtus*, de quibus jam superiùs actum à nobis est. Prima igitur quæstio est, an Executor *mixtus* possit admittere, ac cognoscere super exceptionibus, quæ contra executionem opponuntur? De hoc agitur in c. *De cætero* §. b. t. ubi habetur, quod, si *Pontifex in aliqua causa sententiam tulit contra Titium, & postea eam commisit Cajo executioni mandandam, coram hoc executore excipiat Titius (fraude interveniente sententiam latam fuisse) hoc casu Executor non debeat de toto negotio cognoscere, sed questionem, quæ incidit, ad Sædem Apostolicam deferre.*

2654.

Ex hoc textu communiter deducuntur Authores, nulli Executori competere cognitionem super opposita exceptione, quæ sententiam exequendam impugnat; ut eam definiat; posse tamen cognoscere, num exceptio *juxta*, vel *frivola* sit? ad hoc, ut eam vel *rejiciat*, & executionis mandatum adimpleat, si *frivolam* deprehendat; vel *vero*, ad *Superiorem defensat* executione suspensā? sic Doctores communiter. Et quamvis aliqui velint, textum in dict. c. §. n. 4. procedere solum de *mixto* Executore; probabilius tamen est intelligendum etiam de *mero*. Nam, et si Layman *in cit. c. §. n. 4.* dicat, quod Executor *merus* sententiam, quam etiam *injustam* novit, & exceptiones id ostendunt, exequi debeat, postquam in rem *judicatam* transfivit; fallit tamen in his, in quibus condemnatus sibi præjudicare non potest, tacendo, seu non appellando, saltem ubi non potest premente inopia, & negante sumptūs; 2. in sententia criminali de tollenda vita, vel corporis integritate; 3. si sententia indubitate, ac notoriè *injusta* sit: & quamvis Executori *mero* non competit cognitio judicialis super exceptione, contra ipsam cog-

nitionem; non tamen videtur illi negandum, extra judicialiter audire condemnatum excipientem, ut, si exceptio probabilis fit, executione tantisper suspensa, referat ad mandantem executionem.

Dices: ergo nec Executor *mixtus* poterit recipere exceptiones contra sententiam exequendam. Resp. cum dist. & concedo, quod non possit admittere exceptiones contra sententiam, impugnantes ejus *justitiam*, ut *super illis pronuntiet*, bene tamen, ut *eas referat ad illum, à quo habet mandatum executionis*; si sint exceptiones de *fraude*, vel *nullitate*, ut ponitur in textu; & illud à fortiori negandum est Executori *mero*; posterius autem huic concedere videtur etiam *Barbola in dict. c. de Cætero. n. 1.* quo non obstante discrimen manet inter Executorem *mixtum*, & *merum*; nam ille; cùm opponitur exceptio *fraudis*, vel *nullitatis* in sententia, etiam de toto negotio summarie cognoscere poterit (ut notat cit. Author n. 3.) sed ut referat; non ut definiat; iste autem solum, de probabilitate exceptionis; non autem toto negotio; cùm assumatur merè in auxilium *jurisdictionis*, in quantum explicat, præter jus pronuntiandi, etiam jus exequendi pronuntiata.

Dices. 2. in c. *Pastoralis. 28. de offe. 2656. Judicis deleg.* §. quia *vero*, dicitur: quod, si delegatus Papæ *Judici Ordinario* committat executionem sententiae, à latr., hic eam exequi debeat, etiam si cognoverit, eam esse *injustam*; quia non *cognitio*, sed *executio* demandatur eidem. Resp. textum procedere de Executore non *mixto*; sed *mero*; huic enim negatur *cognitio* exceptionis *contra justitiam* sententiae, ut eam definiat, sicut mixto; non tamen, ut possit ad eum, qui sententiam tulit, referre; ut colligitur ex illis ibidem verbis et si sciat sententiam illam *injustam*, exequi nihilominus tenetur, nisi apud eum efficere possit, ut ab hoc onere ipsum absolvat; plura de hoc textu V. lib. 1. tit. 29. Confirmari potest ex c. *super eo. 2. de cri- mine falsi*, ubi *Lucius III. Vigoriensi Episcopo scribens, super eo, inquit, quod sententiā, autoritate literarum falsarum, latam, noluiſti executioni mandare, tuam prudentiam commendamus; Mandantes ut*

q. 40.

quotiens aliqua scripta, sub nomine nostro destinata, redarguenda videris falsitatis, nullam eis adhibeas fidem: & quod per ipsas mandatum fuerit, non observes: Sed eum, qui presentaverit, retineri facias diligenter; ex quo apparet, quod Executor, cum subit animo dubium de falsitate mandati, quod facilè fieri potest, mota exceptione probabili, possit executionem suspendere, ac referre ad mandantem; quod non contingit sine cognitione super falso per exceptionem opposito: at hunc Executorem, fuisse *merum* Executorem, expressè tradit Barbosa cit. n. 4. ergo.

## §. III.

*Qualiter execu<sup>tio</sup> sententiae impedi<sup>r</sup>i pos<sup>s</sup>it interventu Terti<sup>y</sup>?*

2657. **C**ausa enim esse posset, quod execu<sup>tio</sup> sententiae inter Tertium, & Cajum, latæ contra Cajum, cederet in præjudicium Sempronii; & hic execu<sup>tio</sup>, tanquam sibi præjudicioræ, se opponeret, allegans commune illud, quod res inter alios acta: non noceat aliis; quo casu eveniente dubitatur, quid Executori constituto agendum? de hoc agitur in c. *Cum super 17. b. t.* Cùm enim orta controversia, inter Episcopum Aurensem, & Monasterium Cellæ novæ, super subjectione ejus, in ea causa plures sententiae pro Episcopo latæ fuissent, quibus & Monasterium, & Episcopus Ovetensis (cui Monasterium subiectum asserebatur) se gravari existimârunt, & ideo ad Sedem Apostolicam appellâscent; petentes, ut sententia executioni non mandaretur, ex parte vero Monasterii nihil rationabile allatum fuisset, cur sententia pro Episcopo lata retractari deberet, eam Pontifex in ordine ad Monasterium confirmandam esse censuit.

Huic tamen decisioni, contra Monasterium, subjunxit: si vero constiterit applicationem pro Ecclesia Ovetensis rationabiliter interpositam, & ad eam prosequendam, nuntium ejus intra tempus legitimum destinatum fuisse, execu<sup>tio</sup> sententiae differatur, ne circa possessionem Ovetensis Ecclesia detrimentum incurrat: alioquin (sicut jus postulat) executioni,

absquè Ovetensis Ecclesiae præjudicio, demandetur, cui, quæ præmissa sunt, non præjudicent, quo minus suam valeat consequi rationem; cum res inter alios acta non noceat regulariter alii, iuxta constitutiones canonicas, & civiles.

Ex hac resolutione deducitur, execu<sup>tio</sup> 2658. sententiae latæ contra unum ex litigantibus, interventu tertii, de cuius præjudicium agitur, posse impediti. 1. si is judicio interfuit, & à sententia, in quantum sibi præjudicat appellaverit; 2. si non ad, fuit judicio, sed cognitâ sententiâ sibi præjudicante, appellationem interposuit, durante decendio à die notitiae habitæ de sententia lata; quod verum est, licet etiam principalis condemnatus appellaverit; imò, licet hujus appellatio, tanquam frivola rejecta sit, & sententia contra ipsum principalem lata à Judice primæ instantiæ, confirmata sit, si appellatio tertii rationabiliter interposita sit, modo saltem summarie doceat, sua interessæ.

Deducitur ulterius, quod appellare ab 2659. eadem sententia possit non tantum Reus victus; sed etiam tertius, cuius interest, & poterit sententia quoad Reum jure suo docentem confirmari; respectu vero tertii rationabiliter appellantis, infirmari, quod iam præmisimus, & colligi potest ex seqq.

Deducitur 3. juxta doctrinam complurium, quos refert Barbosa in dict. c. 17. n. 6. interventu tertii posse impediri executionem etiam trium sententiarum; sed de hoc V. in seqq. n. 2660. &c. Hæc tamen, quæ præmissa sunt, intellige, ut non procedit, si tertius scivisset litem agitari, & acquievisset sententiae latæ, vel donec sententia lata esset; nam in hoc casu, etiam contra tertium, competere executionem, tradit Mynsgerus in c. *Veniens 38. de Testibus. n. 9. Lancellotus de attentat. p. 2. c. 4. n. 531. &c.*

Prater dicta not. in ipso (quo dicitur: quod res inter alios acta non noceat) signatè addi regulariter; Unde hoc juris pronuntiatum non debet sumi universaliter, ac indefinitè; sed cum suis limitationib; hinc aliqui tenent, sententiam in causa Majoratū legitimè latam pro, vel contra possessorem, prodefesse etiam, vel nocere successori, nisi sententia lata fuisset ob culpam, dolum, vel negligentiam

ptio-